

آبراهام لينقون

رئيس صادق

اثر

معلم هريك

معارف عموميه نظارت جليله سنك في ۲۲ نيسان سنه ۱۳۰۱ و في ۱۹ رجب
سنه ۱۳۰۲ تاريخي و ۱۹۲۲ نوسولي رخصتنامه سبيله طبع اولمشدر

قسطنطينيه

قاره كين بغداد ليمان مطبعه سنده طبع اولمشدر

۱۸۸۵

71.2009.084.10608

آبراهام لينقون

رئيس صادق

اثر

معلم هريك


مصارفي امر يقان مسيونر شرکتی طرفندن تسويد اولندرق

معارف عموميه نظارت جليله سنك في ۲۲ نيسان سنه ۱۳۰۱ و في ۱۹ ارجب سنه ۱۳۰۲ تاريخي و ۱۹۲ نومرولي رخصتنامه سيله طبع اولنمشدر.



قاره کين بغداد ليدان مطبعه سنده طبع اولنمشدر

۱۸۸۵



Digitized by the Internet Archive
in 2012 with funding from
State of Indiana through the Indiana State Library



— ❧ — آبراهام لينقون ❧ —

— ❧ — رئيس صادق ❧ —

ممالك متحده آمريكانك اون التجي رئيسي آبراهام
لينقون كنتوق ايلتنده ميلادك ۱۸۰۹ سنه سنده شباط ۱۲ ده
دنياه كلدي . صكره دن ايلنويه ايلتنده اقامت ايدر ايدي .
پدری اصحاب ثروتدن اولديغندن اوغلنی مكاتب عاليه
ويرمكه مقتدر دكل ايدي . لينقون فوق العاده عاقل و
چالشقان بر نوجوان اولديغندن آز وقت ظرفنده عالم و
نامدار اولنلك رفاقته نائل اولدي .

ميلادك ۱۸۳۴ سنه سنده ايلك اول ايلتنك يعنى
ايلنويه ايلتنك بيوك مجلسنه مبعوث انتخاب اولندي .
۱۸۴۶ ده ممالك متحده آمريكانك مجلس عموميسنه

آبراهام لیتقون رئیس صادق

یعنی قونغره نك مبعوثان مجلسنه اعضا انتخاب اولندی .
 ۱۸۵۶ ده حالا یکریمی سکز سنه دنبرو ریوبلیقان
 اسمیله یاد اولنان حریت طرفدارانك رسما تشکیل هیئت
 ایتدکلرنده لیتقون بلومینتکون شهرنده مشهور و مؤثر بر
 نطق ایراد ایلدی . و ایلک دفعه اوله رق اولوقته قدر دوام
 ایدن و کیتدکجه کسب قوت ایتدکده اولان کوله لک
 علیهنه وطنک کافه اهلایسی ایچون حریتک واجب و
 لازم اولدیغنی تصدیق ایلدی .

۱۸۵۸ ده کندی ایالتی طرفندن قونغره نك مجلس
 عیانه بر سناطور یکیدن انتخاب اولنق اوزره او زمان
 سناطور بولنان و کوچک جبار لقبیله مشهور اولان
 دقلاص ایله برابر چوق شهرت بولمش و الان تاریخده
 موقع مخصوصی اولان علنی بر مباحثه ایلدی .

دقلاص قصه بویلی و ششمان بر ادم ایدی و کندیسی
 ذکی ، زیرک و هر وقت هر کسه میدان او قویه جق درجه ده
 جسور اولدیغنی یوزندن بیله کوریلور ایدی . لیتقون غایت
 اوزون بویلو ، ضعیف ، قوللری چوق اوزون و چهره سی
 اینجه و کیکو و اثنای کلامده قوللری ایله بدنک حرکتی

لینقون حریت قهرمانی

حسنسنز ایدی . لکن صادق و عاقل و ریاسز اولدیغی
 یوزندن و طورانشندن معلوم ایدی . بو ایکی ذاتک علنی
 مباحثه سی دفعاتله و متنوع محلرده وقوع بولوب نطقلرینی
 دیکله مکه تجمع ایدن جماعتلر اون بیک و حتی یکرمی بیک
 نفوسه بالغ اولدیغندن اصلا ابنیه صغامیوب میدانلرده
 طورورلرایدی . مباحثه ایتدکلی وقت کوله لک محارب سندن
 انجق اوچ سنه اول ایدی . بحث ایتدکلی ماده حکومت
 جمهوریتک کوله لکه اولان مناسبتی و خصوصاً کوله لک
 دها ایالتک صورت رسمیسنه کلمش اراضی خالیه یه
 کوتوریلوب و اوراده یرلشدرلوب یرلشدرلیه جکندن
 عبارت ایدی . او زمان اجدادلی افریقوالو اولان سیاه
 کوله لر درت ملیون نفوسه بالغ اولمش ایدی و بونلر
 حکومت عمومیه نک تحت اداره سنده دکل انجق بعض
 ایالتلرک اداره مخصوصه لرنده ایدی . دقلاص کوله لک
 اراضی مزبوریه کوتورلمسی مسئله سنی اول اراضینک
 اهالیسنک ارزو و قرارینه براقق استرایدی . لینقونک
 مبدائی بو ایدی که کوله لک بعض ایالتلرک امور داخلیه سندن
 اولدیغندن حکومت عمومیه اول ایالتلرده اکامداخله

آبراهام لینتون رئیس صادق

ایده مز • فقط کوله لک حد ذاتنده ابو بر شی اولیوب انجق
 حقسز و موجب مضرات کلیه بی مستلزم بر شی اولدیغندن
 انک ار ترلسنه حکومت عجمیه اصلا رضا و بره مز •

بوایکی ذاندن هر بری بر بچق ساعت ایراد نطق
 ایدر ایدی • دقلاصک نطقى چوق پارلق و رونا کلو ایدی
 ایسه ده منطقجه خطارله طولو ایدی • انک سوزلری امور
 دولنده ماهر بر محب و طنک سوزلری دکل انجق اولور
 اولماز طرزله خلقی اقتناع ایدر ادمک سوزلری ایدی • انک
 نطقى قلبه تأثیر ایتک شو یله طورسون عقلی بیله الزام
 ایده مز ایدی • لینتونک ایراد ایتدیکی نطق تماما اصول
 منطقه مطابق اولغله عقلی اقتناع و قلبه تأثیر ایدر ایدی •
 اول نطقک اثری بیوک ایدی زیرا انی ایشیدنلر حقانیت و
 حریت لیهنه و هر نوع ظلم و حقسزلق علیه تشویق
 اولنهرق دها زیاده حقیقت و عدالت اغورینه مجاهده
 ایتکمه و لازم کلسه اولوم یولیه انلره تابع اولغله
 قرار کیر اولدیلر • کورینشه نظرا بو علنی مباحثه نک
 نتیجه سی کوله لک قهرمانی دقلاصک غلبه سندن عبارت
 اولدی زیرا سناطور انتخاب اولنان او ایدی فقط بو

لینقون حریت قهرمانی

مباحثه نك نتیجه حقیقه سی بو ایکی شیدن عبارت ایدی
 یعنی (اولا) لینقون حریت صحیحه نك صالح و صادق،
 قوتلو و بی پروا بر قهرمانی دیو شهرت یاب اولمشدر (ثانیا)
 دقلاص لینقونك منطقیله اول قدر تضییق اولمشدر که هم
 ممالک متحده نك شمالی ایالتلرنده هم دخی جنوبی ایالتلرنده
 اشتیاق ایتدیکی مسنده یعنی ریاست جمهوریته کندیسنی
 انتخاب ایده جك کافی مقدار طرفکیرلری ارتق قزانهدی
 و مذکور مباحثه نك بر مهم نتیجه سی دخی بو ایدی که
 نیویورق و جهت شرقده اولان بشقه شهرلرک اهاالیسی
 بو یکیدن کسب شهرت ایدن مباحث و میر کلامی دیکله مک
 استدیله. میلادك ۱۸۶۵ سنه سندن شباط آینه لینقون نیویورق
 شهرنده بتون عمرنده ایراد ایتدیکی نطقلرک عظیم و مهمنی
 ایراد ایلدی. حاضر بولنان جماعت بیکارجه معلوم ادلردن
 عبارت ایدی. بتون نطق ایرتسی کون غزته لرده طبع
 ونشر اولندرق یوز بیکارجه ادملر طرفندن قرائت اولندی.
 بو نطقک صوک بندلرینک رسمی بو در.

”جنوبی دوستلر من کوله لکی حقلو بیلور بزانی حقسنر

آبراهام لینتون رئیس صادق

بیلورز • اگر کوله لك حقلو ایسه اكا قارشو اولان هپ
 سوزلر، عملر و قانونلر حقسن در و دفع اولنمق کر کدر • اگر
 کوله لك حقلو ایسه تا هر یرده بولنجیمه قدر انک توسیع ایدلسنه
 حق ایله اعتراض ایده میر • اگر بز کوله لكي حقلو قبول
 ایتسیدک انلرک کافه مطلوباتنی سهولته تسلیم ایده بیلور ایدک.
 انلر کوله لكي حقسن قبول ایتسیدیلر بزم کافه مطلوباتمزی
 تسلیم ایدرلر ایدی • بتون مسئله و مجادله انلرک کوله لكي
 حقلو بیلر یله برابر بزم انی حقسن بیلمز اوزرینه مبنی در •
 انلر انی حقلو بیلدکاری حالدّه بالطبع حقلو اولدیغنک
 بالعموم تصدیق ایدلسنی ارزولیورلر فقط بز انی حقسن
 بیلدیکمز حالدّه انلر رضا ویره بیلورمی ایز؟ قرعه لرمزی
 کندی قانشلرمزه قارشو اوله رق انلرک مطلوباتنک تصدیقنه
 ویره بیلورمی ایز؟ کندی، مسئولیت اخلاقیه و پولیتقیه مزه
 نظرا بو کار رضا ویره بیلورمی ایز؟ هر نه قدر کوله لكي
 حقسن بیلور ایسه کده بعض ایالتلرک اداره داخلیه سنه
 متعلق بر کیفیت دیو رسما طانلدیغندن انی بولندیغی یرده
 براقه بیلورز لکن قرعه لرمزه انک اراضی میریه یه توسیع
 ایدلسنه و ایالت حریه یه بیله کتورلسنه ممانعت ایده بیلدیکمز

لینقون حریت قهرمانی

حالده انك بویله توسیع اولنمسی ایچون رضا ویرهلم می؟
 اکر مسؤلیمیز بزی بویله حرکت ایتدرمزه قورققسزین
 و شجیعانه مسؤلیمیزه کوره حرکت ایدلم . منطقه مغایر
 اولان دلائل کاذبه آلدانیمهلم . بعض ادملر حق ایله
 ناحقك اراسنده بر اوچنجی موقع ارارلر . نافله امك نه
 دیری نه اولو بر ادم بولنورمی؟ بویله جه حقلو اولمیان
 مسلك حقسزدر . جمله ادملك وظیفه ایندکاری امور
 حقنده وظیفه سز اولق عقله مغایر در . محب وطن اولانه
 وطنی تقسیم و تخریب ایتدرمك یاخود تقسیم و تخریب
 قصدنده اولنلره یوز ویرمك محالدر . کلام اللهه مغایر
 اوله رق کناهارلری دکل انجق صالحلری توبه یه دعوت
 ایتمک سفیهانه بر حرکت در . واشینکتونی شاهد طو توبده
 واشینکتونك کلاملرینی ابطال ایتمک و انك عمللرینی بوزمق
 خیانتدر . علیهمزده اولان افترار بزی حقانیت طریقندن
 صاپدرمسون حکومتك خراب اولنمسی حقنده ایشیدیلان
 تهدیدلر و یاخود کندمزه اصابت ایده جك مخاطره لر بزی
 ضمیرمزه قارشو معامله ایتدرمسون . حقك قوت اوزرینه
 مبنی اولیوب انجق قوتك حق اوزرینه مبنی اولدیغنی

آبراهام لینتون رئیس صادق

بیلوب نهایته قدر نصیبه دوشن وظیفه لری و وطنزك
اغورینه خدمت مقدسه مزى قصور ائمه رك ایفا و اجرا
ایدهلم

همان بو نطق ایدی که بش آی صکره حریت
طرف کیرلرینک اتفایله رئیس جمهور اولق اوزره ملنک
رایلرینی تحصیل ایتک ضمنده لینتونى ظهوره کتوردی.
ممالک متحدهنک شمالی ایالتلرینک اکثریتی انک انتخابی ایچون
اول سنه نک تشرین نایسنده رأی ویردیله و ۱۸۶۱ ده
مارت ده رئیس جمهور اولدی.

۱۸۶۰ و ۱۸۶۱ قیش موسمنده ممالک متحدهنک جنوبی

یعنی کوله لکه صحابت ایدن ایالتلر نده بیوک و نفوذلو ادملر
دولت عمومیه علیه خیانتی ارتکاب ایتکده ایدیلر. قونغرهنک
عیان مجلسی، مبعوثان مجلسی و حکومت و کلاسنک هر بر
دائرة سی، محکمه عظمی بیله، خائرنله طولو ایدی. عسا کر
ملیه و سفائن حربیه و لوازمات حربیه و بحریه جنوبی
ایالتلرک لیمانلرینه و قلعه لرینه نقل ایدلکده ایدی. ۱۸۶۱ ده
شباط آینده منتخب رئیسک و اشینکتون شهرینه اجرای

لینقون حریت قهرمانی

ریاستک مباشرتی ایچون کیتدیکی صروده اثنای راهده ایکن
 خفیه لرك معرفت و تفحصیه معلوم اولدی که لینقون
 بولتومور شهرندن کچدیکنده انک قتلی ایچون بری برینه یمین
 ایتش قرق نفر اشقیا فرصت بکلمکده ایدی . بو قتنه وقتیه
 معلوم اولدیغندن لینقون سلامله واشینکتون شهرینه
 واصل اولدی . رئیسک جلو سنده نطق رسمیمی کندینک
 بتون اهالیه محبت ایتدیکنی اشکار ایدرک خیانتی ارتکاب
 ایتش اولنلردن بیله انتقام سوداسنده اولدیغنی انجق ملایمانه
 حرکت آیتکله انلری قزانمق امیدنده بولندیغنی تصدیق
 ایلدی . لیکن بونک ابله برابر تنظیمات و قوانین دولتی جایه
 ایتک ایچون ایتش اولدیغنی یمین صادق بولمغه بی پروا
 و انساندن ، شیطاندن و اولومدن دخی قورقدیغنی اشکار
 اولدی .

ایراد ایلدیکی نطق رسمیده اتی الذکر سوزلر بولنور .

” بعض وطنداشلمز کندی ایالتلرینی دیکرلرندن آیرمق
 استرلر فقط وطنمک بر قسمنی دیکر قسمندن ایره بیلورمی ایز .
 ایکی آیری حکومت تشکیل اولندقدن صکره ارامزده دهها

آراهام لینقون رئیس صادق

کوزل علاقه و مناسبتلری اوله بیلورمی . خصملا لازم
 اولان قانونلر خصوصنده اتفاق ایده مدکلری حالده خصملا
 رعایت ایدیله جک عهدنامه لری عقد ایده بیلورلر می .
 خصملا اراسنده قانونلر اجرا اولنه مدیغی حالده خصملا
 اراسنده عهدنامه لر اجرا اولنه بیلورمی . اکر محاربه آچار
 ایسه کز الی الابد جنسکاشه میه جک کز معلومدر . و محاربه
 ختام بولدقده حل ایدیله ممش مسئله لرینه میدانده اوله جقدر .
 ای امور دولتک احوال حاضره سنه رضا ویرمیان
 همشهریلرم محاربه آچوب آجامق بنم المده دکل سنک
 الکزده در . حکومت سزه هجوم ایتمز . اکر کندوکز
 محاربه آچیه جق ایسه کز هیچ محاربه اولیه جقدر . وطنی
 تقسیم و تخریب ایچون سماده قیدایدلش سنک یمینکز یوقدر
 فقط انی مدافعه ایله محافظه و جایه ایتمک ایچون بنم
 یمین واردر .“

اولوقته یدی ایالت رسما ممالک متحده اتحادندن
 چکیلوب فعل خیانتی ارتکاب ایتمش و درت ایالتدها همان
 اولیدییه تعلق ایتمک اوزره ایدیله .

لینقونک استقامت و متانتی

لینقونک جلو سندن قرق کون صکره عاصیلر محاربه بی
 آچدیله . چارلیستون لیمانده سمبتر نام قلعه بی ضبط ایدوب
 انک بیراغنی تذلیل ایدرک عصیان بیراغنی قالدردیلر . بویله جه
 لینقون اوزرینه حمل ایدیلان یوک غایت نادرا بنی امدن
 بری اوزرینه حمل اولنور بر یوک ایدی . انک اجرا ایده جکی
 ایش فوق العاده عظیم و مشکل ایدی . وطنک بتون
 جنوبی قسمی یعنی تقریبا بر ثلثنک اهالیسی اکا زیاده سیله
 بغص ایتدیله و شمال طرفلرنده دخی جنوبیلرک چوق
 طرفکیرلری وار ایدی . لینقوندن زیاده کوله لکدن نفرت
 ایدن بر ادم اصلا یا شاماشدر لکن تنظیمات و قوانین دولتی
 وقایه ایتکه یمن ایتشدر بو سبیدن موجود بولنان کوله لکه
 او زمان طوقنه مدی حالبوکه چوق شمالی ادملر مسئولیت
 تحتنده بولنماز ایکن قدیمی قانون اساسی طرفندن مانع
 اولسون اولسون انیده کوله لکی اورته دن قالدردمق
 استدیله و لینقون انلرک استدکاری و طلب ایتدکاری قدر
 تیرایلر و کیتدیکی ایچون اکا اطالئه لسان ایدرلر ایدی .
 اتی الذکر سوزلری بو معترضلرک غایتله اوزون
 بحثلرینه نصل مختصرجه و صوک درجه اسکات ایدریول

آبراهام لیتقون رئیس صادق

ایله و جرح اولنماز منطق موجنبجه جواب ویردیکنی
 کوسترر • مشهور بر مؤلفک لائحه سنه جوابدر •
 ” افندم

سزک بکا خطابا طبع ایلدیککز بندلری شمدی او قودوم
 بو بندلرده یا کاش بیلدیکم افاده لر وار ایسه یا کاش اولدقلرینی
 شمدی کوسترر • غیر منطقی نتیجه لر بولنور سه ده شمدی انلری
 جرح ایتم • بندلر کزده صبر سز و حاکمانه یازش کوریلور سه
 ده بونی اسکی دوستک محبتنه حل ایدرم • کندی
 طوتدیغیم یول خصوصنده کیمسه بی شبهه ده بر اقامق ارزوم
 وار در • وطنزی خلاص ایتمک مقصدنده ایم بونی ده
 قانون اساسیه مطابق اوله رق اقصه یول ایله اجرا
 ایده حکم • اگر یالکز کوله لکی ابقا ایتمک شرطیه وطنی
 خلاص ایتمک استیانلر وار ایسه انلر ایله اتفاق ایتم • اگر
 یالکز کوله لکی دفع ایتمک شرطیه وطنی خلاص ایتمک
 استیانلر وار ایسه انلر ایله دخی اتفاق ایتم • اصل مقصدم
 اول امرده نه کوله لکی ابقا نه کوله لکی دفع ایتمک انجق
 وطنی خلاص ایتمکدن عبارتدر • اگر هیچ بر کوله بی ازاد
 ایتمک سزین وطنی خلاص ایده بیلور سه م ایدرم • اگر کوله لرک

لینقونک فوق العاده مسئولیتی

کافه سنی ازاد ایتمکله خلاص ایده بیلورسه م انی ده یاپارم
 و اکر بعضیلرینی ازاد ایدوب دیکرلرینی براقغسله یاپه
 بیلورسه م انی ده یاپارم، کوله لک و کوله لر حقتنده هر نه یاپار
 ایسه م وطنی خلاص ایتمک ایچون فائده لو اوله جق اعتمادیه
 یاپارم و بو باده هر نه بی دیریغ ایتمه م وطنی خلاص ایتمکله
 فائده لو اولیه جق اعتقادیه دیریغ ایدرم . اکر مقدار تشبثم
 مقصد اصلک قوه دن فعله کلمسنه آز اولدیغی ایچون
 ضررلو کورسه م چوق یاپه جغم و اکر چوق اولدیغی ایچون
 ضررلو کورسه م آز یاپه جغم . یا کاشلری یا کاش اولدیغی
 کوردیکمه طوغرلده جغم و افکار جدیده بی افکار صحیحه
 اولدیغی کوردیکم کی قبول ایده جکم . بو افاده لرله
 برابر جمله ادملرک حریته مالک اولمیرینی دایما ارزو ایلدیکم
 کی آلان و ابدا ارزولرم .“

رئیس کمال حکمت همدخی کمال سرعتله حرکت
 ایتمکله مجبور اولدی . حکومت متحده ء آمریقانک اوچ
 دأرهمی یعنی واضع قانون دأرهمی (قونغرله) عدلیه
 دأرهمی و اجرا دأرهمسندن عبارت ایسه ده همان لینقونک

آبراهام لینقون رئیس صادق

جلوسندن تا محاربه نك ختامنه دكین بتون حكومت صانكه
اجرا دائره سندن عبارت ایدی و لینقون بالذات بو دائره نك
صحیح و حقیقی باشی ایدی . انك قاینه سنده اوچ بیوك و
مشهور ادم وار ایدی یعنی سوارد و چیس و استاتون .
لیکن بونلر اراسنده بیله حقیقه بیوك اولان لینقون ایدی .
درحال بیوك عسکر اردولری و جسیم دونانملری و كافه
لوازمات حربیه بحریه و بریه بی پیدا ایدوب منتظم قیلغه
مجبور اولدی . محاربه یه باشلا دیغنده جنوبی ایالتلرک اهلایسی
شمالیلردن زیاده سلاحدار اولوب امور حربیه ده مهیا و
تجربه کار ایدیلر . اولا عاصیلر جنكده ظافریاب اولدیلر و
تازه طویلانلش عساکر دولتك بیوك ضابطاننك بر چوغی
مستعد اولدیغندن مغلوب دوندرلدیلر . انكلتره و فرانسه
عاصیلرک حكومتی حكومت مستقله دیو طانیغه حاضر
ایدیلر . فقط مغلوبیت شمالیلری او یاندروب انلری
غیر تلتندره رك متحد قیلدی . كیتلو اقچه صرف اولندی . آز
وقته بر میلیون كوكلو عسکر یازلدیلر . دولتك دین
عمومیسی هیبتلو طرزده ارتتمده ایدی . کافی مقدار اقچه
بولقی ایچون دولتك اعتباری باقی اوله جقمی دیو هر کس

اسیرلرک رسما ازاد ایدلمری

زیاده اندیشه ایله سؤال ایتمکده ایدی .
 ۱۸۶۲ سنه سنده ایلول آینده لیتقون بر بچق سنه
 قدر اجرای ریاست ایتش ایکن کوله لری ازاد ایدر بر اراده
 اعلان ایدوب ۱۸۶۳ سنه سنک ایلک کوننده دیکر بر
 اراده ایله اولکنی تصدیق و انک اصول اجراسنی تحدید
 ایلدی . بو اراده نک ایلک رسمنی مستشارلری یعنی قایلینه سی
 ایله استشاره ایتمکسزین قلمه آلوب بعده قایلینه سی جمع
 ایدرک انلره تقدیم ایلدی .

رئیس مشهور اول ساعتده تثبث ایتش اولدیغی
 ایشک اهمیت و عظمتیله اولدرجه متأثر اولدی که بردن اراده پی
 او قویه مدی . (دنیا نک معلومی در که لیتقون عمرنده قصه لر
 ضرب مثل و شاقه لر دن خوشلانور ایدی) . بو دفعه دخی
 کندی کتابلرینک رافلرندن قصه لر، مثلر و سائره ایله طولوب
 کتابی انه آلوب بر قسمنی او قویه رق انک تحف سوزلری
 اوزرینه کولدی . حاضر بولنان بیوک ادملر بویله وقتسز
 او قویوب کولسندن طولایی همان غضبه کله جکر ایدی
 ایسه ده آینده لیتقونک صورتی تبدل ایدی و حاضرلمش
 اولدیغی اراده بی انه آلهرق کمال وقارله او قودی .

آبراهام لیتقون رئیس صادق

نوع بشر کرهٔ ارض اوزرنده تمکن ایده لیدن برو اول
 اراده مثللو تأثیرات عظیمه و مفیده سی اولان بر اراده صدور
 ایتمدیکنی بلاشبهه لیتقون اول ساعت تیقن ایدیور
 ایدی . قابینه سی اراده بی تحسین و تصدیق ایتدی
 فقط اول اراده تموز آینده قلمه آلتوب قابینه یه
 قرائت اولندی ایسه ده انجق ایلول آینده آنتیتام
 و جبل جنوبی غلبه لرندن صکره نشر و اعلان اولندی . بو
 اراده یه بشقه بشقه محللرده ادملرچوق فرقلو کوزله باقارلر
 ایدی . عاصیلر زیاده سیله حد تلنوب انی غایتله استهزا ایتدیلر .
 کندی ایشلری ثابت اوله جق و لیتقون اراده سنی اجرادن
 مطلقا عاجز قاله جق دیو مغرورانه تفاخر ایتدیلر . کوله لر
 سنه لر و دهر لر جه خلاص ایچون بکلمش و دعا ایتمش و
 امید یوق ایکن امید ایتمش اولمالریله بو اراده و اعلان
 سیندن امیدوار و متشکر اوله رق اول مبارک کوندن
 اعتبارا لیتقونی کندیلرینه یکی بر موسی اعتبار ایدوب
 کندیلرینی فی الحقیقه اسارتدن قور تاره جغنه اعتماد ایدرلر
 ایدی . آز قالدی که انلر لیتقونی اله یرینه قویوب اکا
 سجده ایده ایدیلر .

مغلوبیت • مضایقه • غلبه

انکلتزه و فرانسه ده اول اراده بویه جه تفسیر اولندی
 یعنی " اشته ممالک متحده حکومتی ضعفنی اقرار ایدبور •
 کوله لر انک النده می که انلری ازاد ایتسون • همان شمدی
 اظهار افلاس ایدبور " • و شمالی ایالتلر اراسنده بیله
 رئیسک بو ایشنه اعتراض ایدنلر همان انی مدح ایدنلر
 قدر بولندی • کوله لر حریت برکتنی کو کمزدن و وطنه
 سلامت اعاده اولنمازدن اول مساعده سز امکانک اندیشه لو
 کونلری و قایغولو کیجه لری تکثر ایدوب آیلر و سنه لر اولدی
 و محب رئیسک صحت و قوتنی دو کتمکده ایدی • چوق دفعه
 عساکر دولت مغلوب دوندرلیدیلر • اعتماد ایدیلان
 جنراللر غیر مستعد و بلکه خائن چیقیدیلر • عاصیلر دولتک
 عساکری ایله تضییق اولندقلری حالدده طوتدقلری اسپرله
 باربارلر اراسنده بیله ایشیدلمک انسانیتمزک و مرتجتمزکله
 معامله ایتدیلر • وطن اوزرینه حمل اولنان یوک ، انک دوچار
 اولدیغی مضایقه حددن زیاده و تحملدن خارج اولدی •
 بو اراالق یعنی ۱۸۶۳ ده حزیرانده عساکر دولت
 عاصیلر اوزرینه ایکی بیوک غلبه چالدی • عساکر شرقیه
 بیوک وغایتله قانلو بر جنکده یعنی کتیر نورغده عاصی جنرال

آبراهام لینقون رئیس صادق

لیبی اوزرینه غالب کلدی . و بتون محاربه ده اک بیوک
 مجاهده و غلبه بو ایدی . شویله که طرفینک مقتول و مجروح
 و اسیرلینک یکوننی اللی بیکه بالغ اولدی . همان او زمانده
 دخی جنرال غرانتک تحت اداره سنده بولنان عساکر غربیه
 میسیسیپی نهری اوزرنده ویکسبورغ قلعه و استحکاماتی ایله
 لوازمات و تدارکات حربیه سنی و محافظ عسکرینی ضبط
 ایتدیلر .

لینقونک سـوزلرنده اک زیاده باقی قاله جق و مکررا
 ذکر اولنه جق سوزلری ۱۸۶۳ ده تشرین ثانی آینده
 کتیر بورغک قبرستانی تقدیس اولندیغی ائشاده نطق ایلدیکی
 اتی الذکر مختصر کلامدر .

”بو محاربه نك بر بیوک جنك میدانده تجمع ایلدك .
 وطنلرینك بر حیات قلمسی ایچون کندی عمرلرینی بوراده
 فدا ایدلرک صوک منزلی و مقبره سی اولق اوزره بو جنك
 میدانك بر مقدرینی تقدیس و تخصیص ایچون بورایه
 کلدك . بویله ایتمز هر حالده مناسب و سزادر . لکن
 دهها ککشجه دوشندکجه بو طپراغی تخصیص و تقدیس

لینقونک درایت و حکمتی

و تعزیز ایتمکه بز مقتدر دکل ایز . بوراده مجاهده ایدن
 صاحب شجاعت ادملر متوفی اولسون بر حیات اولسون
 بر شی علاوه یاخود تنزیل باینده بزم اقتدار مژدن چوق
 زیاده بو طپراغی مقدس قیلدیلر . بزم بوراده سو یلدیگمهزه
 ادملر نه چوق دقت ایدر نه ده در خاطر ایدر لر فقط انلرک
 بوراده یایدقلمی اصلا اونودلییه جقدر . بزم ایچون ،
 بر حیات اولنر ایچون نصیب بو در که بوراده جنک لشنلرک
 شجیعانه تصعب ایتدکاری ایشی تکمیل ایتمک اوزره تقدیس
 اولنهلر . دها بتمش بیوک جهادمزک اکالی ایچون تقدس
 ایدهلر . بو مشرف موتانک صوگ درجه و ممکن مرتبه
 فدا کارلق و تراک نفس ایتدکاری تخلیص وطن ایشنه بتکرار
 وقف اولنهلر . بوراده وفات ایدنلر بیهوده یره وفات ایتش
 اولسونلر دیو جان و دلدن تصمیم ایدهلر . تاکه عنایت
 الهیه ایله وطنز مجددا حریت ایچون تولد ایلسون و بتون
 اهالی و طن ایچون اهالینک معرفتیله اداره ایدیلان یعنی
 اهالینک اولان حکومت یر یوزندن زائل اولسون . “

آبراهام لينتون رئيس صادق

لینتون امور حربیه و بحریه ده اصلا تعلیم کورمدی ایسه ده ینه ممالک متحده امریکا قانون اساسیسی موجبجه رئیس جمهور اولدیغی زمان کافه عساکر ایله دونامالرك قوماندانی ایدی . محاربه تاریخ میلادک ۱۸۶۱ سنه سنک نیسان آینده باشلادی ایسه ده اول سنه نك یاز موسمندن اعتبارا ۱۸۶۲ تشرین ثانییه قدر سردار اکر مقله لین اسمنده مشهور بر ذات ایدی . فقط بو سردار کرك اوصاف ذاتیه لرنندن اولسون کرك بعضی اسباب پولیتیکیه دن اولسون تحت اداره سنده بولنان کیتلی عساکری جنکه سوق ایتمکدن دائما اجتناب ایدر ایدی . و انک طو تدیغی بو مسلک نافله یره و حتی زیاده سیله موجب مخاطره طریقیه دولتک لوازمات حربیه سنی صرف ایتدکن بشقه اهلینک صبرینی قطعیا تو کتمکده ایدی .

لینتونک بو سردار ایله وقوع بولان مکاتبه رسمیه سنک بر چوغی صکره دن طبع و نشر اولندی و بو تحریرات قرائت اولندیغی حالده لینتونک امور حربیه ده دأر معلومات و درایتی او زمان ایچون لازم کلان حرکات و معاملات حربیه خصوصنده بر تفصیل سردار مقله لینه کوندردیکی

ایکنجی دفعه رئیس جمهور اولمسی

افادات و اخطارات و اوامری حکمت کامله سندن طولایی
 الآن ارباب امور حریبهیه موجب حیرت در . اگر
 اولوقت جنرال غرانت کبی بر سردار اکرم بولنسه ایدی
 بلا شبهه عاصیلرک پای تختی ریچموند ۱۸۶۲ ده ضبط
 اولنوب محاربه ختام بولور ایدی . ولکن او حالده کوله لک
 ممالک متحده دن دفع اولنموب سلامت باقیه وطنه اعاده اولنماز
 ایدی . شویله که کافه امور انسانیه اوزرینه حکومت
 مستقله و خیریه سی اولان حکمت الهیه نک اول وقوعانک
 کافه سنده مشاهده اولندیغی در کاردر .

۱۸۶۴ ده یکیدن رئیس جمهور رسما انتخاب اولنه جغی
 وقت کادکده و حریت طرفدارانی لینگونی ریاستده ابقا
 ایتمک نیتنده ایکن محاربه نک دوام ایلمسنه پروتستو ایدن
 طرف سالف الذکر مقله لینی رئیس نصب ایتمک قصدنده
 بولندلر ایسه ده لینگون بیوک اکثریت و حتی کویا اتفاق
 ارا ابله ایکنجی دفعه رئیس اولمق اوزره انتخاب اولندی
 و انتخاب اولندیغی معلوم اولدقن صکره لینگون کنندی
 یانه تبریک ایچون کلانلره مختصرجه ایراد ایتدیکی نطقده
 بویله دیشدر ” بنم ایچون بشقه سنه غالب کلک اصلا

آبراهام لینقون رئیس صادق

موجب مسرت دکلدرو . رئیس بولندیغ حالده مرامله هیچ
بر ادمه موجب کدر اولیق استمد و شمدی تبریککاری
قبول ایدر سهام محضاً محب و طمئزک اغورینه قبول
ایدرم ، کوزللیکی بودر که بو سوزلر حقیقه لینقونک
بلا ریا و درونی افکارینک رسمیدر .

همان اولوقته آتی الذکر سوزلری سویلدی * هر
نه قدر فانی مخلوقک بصری ناقص ایسه ده متعالتک تدیرلری
کاملدر و مظفر اوله جقدر . بوندن چوق وقت اول بو
هییتلر محاربه نیک ختامنه منتظر ایدک فقط اللهم علی
کاملدر و انک تقدیری بزم انتظار مزه مغایر ایدی هم انک
حکمتنی هم کندی خطالرمزی بوندن صکره کوروب
اقرار ایده جکز و بو ارالقه بزه احسان ایده جکی نورله
غیر تکشانه چالشملی ایز و بویله چالشماز انک تقدیر ایلدیکی
خیرلو انجامی منتج اوله جغه اعتماد ایتلی ایز . بو کلیتلر
تبدلات اصلابر مخلوقک علم و قوتنده اولدیغی کبی بو
تبدلاتک وقوع بولسنه دخی انسان ممانعت ایده مشدر و
مقدر الهیه کوره بو تبدلاتک نتیجه سی خیرلو اوله جغی
بی اشتباهدر ،

دقته شایان بر مکتوب

رئیس ایقون امور دولتک غایت اغریوکی التمه
 ازلمکده ایدی ایسه ده اتی الذکر مکتوبی کندی ایله
 یازمغه وقت بولدی بر مکتوب که بر خزینه دن زیاده قیمتلو
 عد اولنسه سزادر • پوستون شهرنده متمکن بر
 خاتونه خطاب اولنمشدر •

» عفتلو مادام

دائرة حریبه ده بر تحریر رسمی کورمشم که جنک
 میداننده مشرفانه جهدله تسلیم روح ایدن بش نفر
 مخدومک والده سی بولندیغکزی تفهیم ایدر • کدر و ماتم
 دریاسنده مستغرق اولدیغکزی بیلوب سزی تسلیمه و تعزیه
 ایده جنک هر بر سوزم عاجز و ضعیف بولنه جغنی کورورم
 فقط اوغلارکزک انک تخلیصی ایچون فدای جان ایتدکاری
 وطنک تبریک و عرض ممنونیتندن عبارت اولان تسلیمی
 ذاتکزه تقدیم ایتمکدن امتناع ایده مم • رجا و دعام بودر که
 سماوی پدرمز حال محرومیتکزک اغریسنی تخفیف ایدوب
 محب و متوفی اولنرکزی یالکز محبتله ذکر ایتکلکی سزه
 احسان ایلسون • حریت مذبحی اوزرینه فوق العاده

آبراهام لینقون رئیس صادق

قیمتلو بر قربان وضع ایلدیککزدن طولایی افتخار عظیم
مدائم سزکدر

کمال احترامله

ابراهام لینقون “

لینقون ایکنجی دفعه رئیس انتخاب اولندیغی زمان
جنوبی یعنی عاصی ایالتلرک احوالی ارتق فنا نتیجه یه و
کلی خرابیته طوغری سرعتله وارمقده ایدی . جنرال
شرمان جنوبی ایالتلر ایچندن سوانه لیمانه طوغری اولان
حرکت مشهوره بی تکمیل ایتش ایدی . غرب طرفنده
جنرال طوماس جنرال حودک عسا کری اوزرینه غلبه
چالمش ایدی . جنرال غرانت عاصیلرک بیوک عسا کرینی
پلترزبورغده محاصره یه آلوب صوک حرکت و ختام محاربه
ایچون مناسب فرصتی کوزتمکده ایدی . لینقون رئیس
کرسیسنده ایکنجی دفعه اوله رق رسما اوتورمق اوزره
ایکن نطق رسمیسنده اتی الذکر کلاملری ایراد ایتش در .

” بو محاربه عظیمه فلاکتک دفع اولنسی ایچون
اشتیاقله امید و دعا ایدرز . فقط کوله لرک ایکی یوز اللی

ختم محاربه

سنه انقريه امكيله ترا كم ايدن ثروتك فنا بولسنه و قامچي ايله
چيقاريلان قانك هر طامله سنه بدل قليجمله چيقاريلان بر
طامله واسطه سيله ادا ايديلنجيه دك محاربه نك دوام ايتسي
اللهك مراد عاليسنه مطابق بولنورسه بوندن اوچ بيك
سنه مقدم بيورلد يعي «ربك احكامي كليا حق و عدالت در»
شمدى دخی دينيله جكددر .

كيسه يه عداوت كوسترميه رك انجق جله يه محبت
كوستره رك، اللهك بزه حقي بيلدرديكي اوزره حق اجراسنده
متانت و استقامت ابراز ايدرك الله اولان ايشي تكميل
ايتكه جهد و غيرت ايدلم . و طنمك ياره لريني صاره رق،
جنك ميداننده جانلريني تهلكه يه صالحش اولنر ايله دول
قاريلري و يتيملريني قايره رق ارامزده و جله ملنر اراسنده
موجب سلامت حقيقيه و بقيه ايچون المزدن كلديكي قدر
سعي و غيرت ايدلم «

بو سوزلري سويلدكدن يكرمي كون صكره يعنى
۱۸۶۵ سنه سنك مارت اينك صوكننده صوك جنك
ميدانته ياقين بر يره كيدوب كنديسي اورادن وطنك هر
طرفنه مترده بي با تلغراف و ندردى . عاصيلرك پاي تختي

آبراهام لینقون رئیس صادق

اولان ریچموند شهری فتح اولندقدنصرکه کندیسسی اول
 شهره نصرته کیردی . واشینگتون شهرینه عودت
 ایلدی . ریاست نایبه مدتنک برآبی کچمش ایدی .
 مضایقه نك اوزون کچه لری بتمش اولوب شفق سوکلمکده
 ایدی کافه ایالات شمالیه حتی بتون ملت شادمانی و
 مسروریت لیمانه یتشمش ایدی . خیانت باصدرلش ایدی .
 انک رئیس سرسری و عساکری اسیر ایدیلر . لینقون
 چوق سنه لر کورمش اولان ادملرک و حتی مشهور
 حکمدارلرک کوره مدکری عظیم برایشی اجرا ایتمش ایدی .
 انک چلیک کبی اولان قوتلو جسدی تحمل ایدلز یوی
 ییقلق سزین کوتورمش ایدی . بلا شبه اول انده ایلرویه
 باقوب ینلمش عاصیلری توبه کار اولدقلری حالده حکومت
 عمومیه نك تحت جایه و محبتنه قبول ایدوب اول ایالتلری
 مجدداً تنظیم ایتک باننده کندیسسی پدرانہ ملایمت و تراحمی
 و صادق حکمداره یاقشور متانت و ثبات و عدالتله
 نصل متحد قیله جغنی دوشنیور ایدی . اول انده یالکز
 فرمان ایله دکل اما حقیقه و فعلا درت میلیون ادم ازاد
 اولدیلر . اول انده لینقونک شهرتی یالکز آمریقاده دکل

اوصاف ذابیه سی

فقط اوروپاده و بتون دنیاده نوع بشرک نصینه دوشه بیلدیکی
 قدر اعلا و مرغوب ایدی . کندی عمرینک صره سنده
 شمدی نه کیک کر کدر؟ داربقایه انتقال ایتسی دگیلی ؟
 لیتقون حال فقردن و نام و شانی اولدق حالدن ایدیم ایدیم
 ایلرو کلمش ایدی . تا که بتون دنیانک کوزنده طورور و دیلنده
 مدح اولنور ایدی . کندیسی عن اصل بکزاده لردن دکل
 ایدی . فی الحقیقه ولادتی مشرف ایدی زیر ایشکذار و امکان
 چکنمز صاحب اخلاق ممدوحه اولان والدیندن تولد
 ایلدی . مکتبلرده آز تعلیم کورمش اوله رق کندیلکندن
 تعلم ایتسیله کندی ایالتنک آووقاتلری اراسنده مشهور و
 معتبر ایدی . بعده کوله لکی وقایه ایتک استیانلر علیهنه
 حریتی بی پروا و شجاعانه و منطقی جرح اولتماز نطقلری
 و تحریراتیله جایه ایتسیله شهرت عظیمه سنی و مسند
 عالیسنی قزانمش ایدی . و رئیس اولدیغی حالده حکمت
 کامله ایله صبر و اقدامله یورلماز غیرتله صدق و استقامتی
 الماس کبی صافی اوله رق وطننک ولی نعمتی طائلشدر .
 قدیمی یونانلر و رومالورک سویلیشنه کوره لیتقون بنی
 ادمک مافوقنه چیمشدر . و انجق الهلر اراسنده ترفیع

آبراهام لینقون رئیس صادق

ایدلسی قالدی . حقیقی بر مؤمن اولوب اللهک امرینه
 مطیع و انک امدادینه منتظر و متوکل اولهرق ایشنی
 اجرا و خدمتنی ایفایتمشدر . انک تقوای بو ایکی واقعه دن
 اکلاشیله بیلور . بر دیانتکار بر زمان اکا خطابا " امید
 ایدر مکه الله بزم طرفزی وقایه ایدر " . دیدیکنده لینقون
 جوابا دیدیکه " بنم وظیفه م او دکل انجق بز اللهک
 طرفنده اولهلم " . و بشقه وقتده دیکر بری متجاسرانه
 کوله لری ازاد ایتمک خصوصنده رئیسه واجب اولانی کویا
 الله طرفندن بیان ایدر کبی اکا سویلیدیکنده دیدیکه " بو
 عقله یاقین دکلدر که بن کندمه واجب اولانی بیلک استر ایکن
 الله بنم وظیفه لرمی سکا کشف ایدوبده بندن کتم ایلسون " .
 لینقونک ضرب مثل کبی مؤثر و مختصر بعض سوزلری
 وار در مثلا بر نطقده " الله متعال هر ادمه بر اغز و بر
 چفت ال ویرمشدر . بو الیر بو اغز ایچون یمک تدارک
 ایتکه مناس-بدر . بر جنس ادمک اصلا جالشتمقسنزین
 کچنمسی و دیکر بر جنس ادمک اصلا طعام ایتکسنزین
 محضا امک چکمهکه یشاملری الله متعالک مرادینه مطابق
 کسه ایدی اولکی جنسک فردلرینی الره مالک اولیهرق

لینقونک وفاتی

اغز صاحبی خلق ایدوب دیگر جنسی اغزسز اوله رق
 یالکز ال صاحبی خلق ایده جک ایدی، دیشدر.
 و دخی " اول ادمکه کوله اولق استمز کوله یه مالک
 اولق استملی. سائرله حریت ویرمیانلر حریتته لایق
 دکدرلر. و صدق و عدالت منبعی اولان اللهک تحت
 حکومتده کندیله حرّ قاله مازلر. " دیشدر.

مخاربه اثناسنده زوجی اسیر طوتلش عاصیلردن
 اولان بر خاتون رئیس لینقونک یانسه کلوب زوجنک
 صالیورلسنی استدا ایلدیکی صرده مرقومک اهل
 دیانت اولدیغنی بیان ایدی. بوکا جوابا لینقون "زوجکه
 بدن سویله که هر نه قدر دیانت حاکمی دکل ایسه مده
 ظنمه کوره بعض ادملرک امکسز و بشقه لک آلنلرینک تريله
 کچنملری ایچون بشقه ادملری لازم اولدیغنی قدر ایچا قلاتدیغنی
 سبیدن حکومتنه قارشو قالقشان دیانتکار ادمک دیانتی
 ادملری سعادت سماوییه ایصال ایدهمیه جک بر نوع
 دیانتدر " دیدی.

بویله جه کندی مأموریتنه عائد اولان اموری صوک
 درجه موافقیته اجرا ایتش ایکن و کرک بین الناس کرک

آبراهام لینیقون رئیس صادق

حضور باریده حسن شهادته مظهر اولمش ایکن کیسه
مأمول ایتمز ایدیکه لینقونک عمری یاقینده و آنسزین ختام
بوله جقدر ۰۰۰

نیسان ۱۴ اقسامنده واشینکتون شهرنده واقع
تیا تروده بولنان بیوک جماعت برطنجه نك پاتلامسی سسیله
بردنبره ایاغه قالمشدر. و اول کیجه و ایرتسی صباح
اول سسک، خبری هر طرفه تل ایله بیلدرلدیکنده ادملرک
قولاقلرینی شق ایتدی و قانلرینی طوکدردی. لینقونک یانندن
قانل جماعتک اوکنه اتلادیغنده اوریلان رئیس محب
اشاغی دوشدی و یاقینده بولنان بر خانه یه کوتوریلهرک
اوراده صباحه قدر آیلقسزین تمدید عمر ایتدکن صکره
روح عظیمی حضور اللهده بولنان مسکن حقیق و ابدیسنه
انتقال ایلدی. انک بویله وفات ایتمس نك اهالی اوزرینه
اولان تأثیراتی اصلا قلم و لسانله تعریف اولنه ماز. غم و
کدر، دهشت و قورقو و حیرت، حدت و غضب دریا
مثللو بتون وطن اوزرینه طالغه اوزرینه طالغه کبی
یورودی. محاربه نك ختامیله نصرت کامله اوزرینه
اونبش کون قدر یوبیل بیرامنک مسرتی سیل کبی یورومش

لینقونک جنازه آلابی

ایدی و بو مسرتده هر کوز و هر قلب بالطبع محبت و افتخار و شکرانیتله لینقونه توجه ایلدی و شمعی اول پدر قلبی حرکتدن فارغ اولدی . لینقون اولمشدر! هر خانه صاحبنک اولمش اولدیغی کبی کدر و ماتم و فغان هر خانه یی طولدرور ایدی . اول کونهدک شو مثللو کدر و ماتم آمریقاده اصلا وقوع بولمامش ایدی . (واشینکتون مونت ورنونده واقع خانه سنه چکاکدن چند سنه صکره وفات ایتمش ایدی) بتون ملتک حزن و ماتمنک بیوک دلیل ی لینقونک جنازه آلابنده مشاهده اولندی . نوع بشر بو کره ارض اوزرنده موجود اوله لیدن برو اول جنازه آلابنک امثالی اولمامشدر . متوفی رئیسک جسدی مومیا ایدیلوب واشینکتون شهرنده دولتخانه ده طور دیغی حالده انی بیکلرجه کیمسه لر زیارت ایتدیله . نیسان ۲۱ ده جنازه الابی واشینکتون شهرندن روان اولوب بولتومور ، فلادلفیا ، نیویورک ، شیکاگو و سائر چوق شهر و بلده لردن مرور ایدرک کندی ایالتنده و شهرنده یعنی سپرینکفلد نام شهرده واقع صوک منزل و تره سنه مایس ۴ ده واصل اولدی . بویکرمی کون ظرفنده تقریبا ۲,۰۰۰,۰۰۰ آدم لر

آبراهام لینقون رئیس صادق

محب و محترم متوفی نك یوزینی کوردیلر بتون اهالی شخص
واحد مثللو محبت و محزونیتلرینک ذیقیت هدیه لرینی انک
تابوتنه تقدیم ایلدیلر . سکپرینک فلده قبری یاننده اجرا
اولنان صوک خدمت رسمیه ده متوفی لینقونک التی سنه
مقدم کوله لکه صحابت این قوت حقنده بیورمش اولدیغی
اتی الذکر سوزلری تکرار ذکر اولندی .

” بو قوتله بنم دخی قیرلمه اوله بیلور لیکن باشمی
ا کا اصلا ایکمم . الله وادملر شاهدلرم اولور ایکن محبت
ایتدیکم وطنک حریتنه صادق بولمغه یمین ایدرم“ اول
نذری حفظ ایتش ایدی . کوله لیک قوتی کلیا و قطعاً
قیرلمش ایدی . کندیسسی ایسه ارتق اولومه مبتلا اولیانلرک
دفترینه قید اولندی . امکدن اغریان باشی ، سعی و غیرتندن
چاتلایان عصبه لری دردلولر ایله همدرد اولان مضطرب
قلبی ، بتون یورغون جسدی استراحتیه وارمشدر . و
فضیلتلو مشرف روحی کندی عمرینک سنه لرینی خصوصاً
صوک سنه لرینی ربک خدمتنده صرف ایتش ایکن انک
حضور مقدسنه عودت ایلدی .

اول عمر ، اول ادمک اوصاف ذاتیه سی وطنک اک

اخلاق حمیده نك ابقاسی

قیمتو جوهر لرندن در . قرالار و امپراطور لر نادر و
 ذیقیت مجوهر اتنی کندی حزینه لرینه جمع ایتسونلر . ممالک
 متحده آمریقانک اھالیسی کلش و کله جک جوانلرینک
 اخلاقنده اول رئیس محبک عمر و اخلاقنده تمثیل ایدیلان
 اوصافی حفظ ایده جکار . آبراهام لینقونک اخلاقنده و
 ترجمه حالنده الماس کبی پارلایان اوصاف، یعنی کافه افعال
 کریهه دن نفرت، هر ظلم و حقسنزلفه بغص و عداوت،
 حقیقت و صدق و استقامته اعتماد و امثال، یورلماز
 ایش کذارلق، توکنمز صبر، امکن و المکن چکلمز و تنه
 طانشماز تواضع و تحمل و اقدام، پدرانہ و لطیف ترجم،
 خالص ضمیر و اللهه طوغری تقوی و اطاعت و ایمان
 جوهری لینقونک اورنکی اوزره تعلیم ایدیلان صبیان
 و نوجوانلرک اخلاقنده دائم الاوقات و کال دقتله حفظ
 و حایه ایدیلہ جکدر .

